

山右石刻叢編

山右石刻叢編卷十一

縣志卷之四  
地理志  
城郭  
縣城在縣治之南

宋

雁塔寺經幢

幢高三尺六寸共八面每面廣四寸一分七行行七十三字正書今在猗氏縣

佛頂尊勝陀羅尼經

經文不錄

尊勝陀羅尼經幢記



智朗撰并書

○靈源本有之真杳真莫見秀氣不無之質識智尤彰故道  
存於塵聖人之旨得用性歸○物我之情何差然後心白  
齊日月之明神靜測乾坤之奧是知我身得之於一合之○  
王隨生○之元受父母之體孔氏曰孝者五教之宗仁者百

行之祖如孝敬內蘊則為人口仁信外行稱君子矣自然與  
賢哲同塗典經合軌者矣今太原郡王公諱贊

器度汪深風儀明秀達談回就果之義宏知今博古之書荷  
覆載之恩高而莫報懷禪□□重泉壤空幽是則披□釋經  
間陳碩德乃見如來說奧妙之法拔善住離苦之因□尊勝  
陀羅尼經幢者即公奉為亡母李氏追薦靈識之所建也猶  
是出家財命良匠磨琢□□鏤銘真教殊功旣已積矣勝福  
芝有歸矣乃豎於妙道寺庭側魂指淨域而非遙面礼弥陀  
而不遠庶乎天長地久因離種福之方暑往寒來永鎮修行  
之地

大宋建隆三年四□□□日建

太原王晏瓊鑄

按幢見通志金石記建隆宋太祖第一建元

荀息廟碑

碑高四尺二寸五分廣一尺九寸五分  
十八行行四十七字正書今在鄉甯縣

昔夫⑤黃乍結肇啓二儀清濁初凝次生兩曜人□□乎其  
內乃號三才三才先分則備之以六府者矣六府既備則運  
之以四時行焉四時既行則爰立於君臣父子君臣之義□  
漸父子之道益隆是知君欲聖而臣須忠父若慈而子唯孝  
且

周王建國全歸呂望之勲 漢相西基都自鄼侯之□時或  
君行不道匪納從繩之言固須臣作股肱更勵赴湯之諫故  
商書說命曰君須賢治賢須君食君臣相須而成自古然尔  
□此則永使青編著美紫史傳芳代至 晉室獻公之專

國也天降賢臣來扶 宗社應半千之昌運佐九五之明  
君者即 大夫荀叔其此之謂乎初周武王克商封兄弟  
之國十有六焉則

荀侯在其內逮乎魯桓公時 荀侯伐曲沃則此國是□□  
以國滅子孫乃為氏焉 大夫事於 晉請晉公以屈產之  
乘垂棘之璧誘賂於虞假其道而將伐於虢虞公貪其寶而  
不□其禍拒逆忠臣之諫乃許盟於晉國之師遂克夏陽之  
城獲曲沃之邑不經臘而虞之國亦亡焉璧玉得歸於舊府  
良馬却□於晉與始則以滅虢吞虞終可以柔秦敗楚 晉  
之霸盛實自大夫之機畧哉故知賢才間出何代而無其人  
倚歟 大夫□而有德沒而為神送往事居不失人臣之  
節扶危濟險益深經國之謀芳名標魯史之中万年斯在遺

臨立晉封之內千古口存洎至後晉高祖在位天福初乃追  
平先朝故事訪諸大謀臣凡所立祠之方特與別加封贈

大夫以靈應所感上達天聰尋奉口恩特口王号凡居巡属  
轉切增脩臺殿凌雲祠藁拂日苔班恠石嶙峋如虎踞之形  
樹老鈐松煎仆若虬盤之狀鏘鏘厠與赫赫神威聞之而無  
不虔誠到者而自然生敬思流四遠福及万民長令膏雨和  
風昭蘇五稼不使威雷霜雹怖畏三農口遇 聖主

當朝賢臣匡輔垂衣作后端拱臨民四裔而無不梯航五服  
而咸賓貢賦恒修明德以代雄啓既備蒸嘗無不與祭牧  
守播米益之政子男謂冰蘖之勤一同偏感於口成四序克  
遵於禱賽蘭羞每潔黍稷無虧塑繪端口可盡僧繇之妙殿  
堂幽邃疑謝殷輸之功雖竭修崇尚稽刊記此有前司馬楊

允忠與御邑耆季共為建立是招匠者磨琢貞珉命修辭  
徵尋典籍錄 大王勳名一事迷大王覆育之功繼世相

傳不口盛美僕雖堅捨釣寔味披紗徒強搜揚終慙漏略口  
口其事與副指南凡所披詳勿譏遺聞時建隆三年歲在壬  
戌五月丁巳朔二十九日建

將仕郎守鄉寧縣主簿張奭

將仕郎試大理評事守口口縣令韓文哲

都維那前慈州司馬楊允忠

三州都料允返劄劄碑鐫字

按太平寰宇記慈州鄉寧縣晉荀息墓在縣東北一十六  
里山西通志輯要鄉寧縣荀息祠縣東十五里柏山上墓  
存碑言遺跡立晉封之內當卽指其墓碑又云後晉天福

初乃追乎先朝故事訪諸大謀臣凡所立祠之方特與別  
加封贈尋奉恩特將王號新五代史記天福六年春正月  
戊寅封唐叔虞爲興安王臺駘爲昌甯公而不及封荀廟  
事以碑立祠之方別加封贈考之必亦在此時又按晉滅  
虞虢盡得桃林之險爲主盟中夏之本碑云克夏陽之城  
獲曲峭之邑云云此深明晉滅虞虢之用者碑以楊允忠  
建立而作碑末題鄉甯縣主簿張奭試大理評事守鄉甯  
縣令韓文哲都維那前慈州司馬楊允忠太平寰宇記鄉  
甯縣後魏孝文帝分太平置昌甯縣屬定陽郡隋開皇元  
年改定陽爲吉陽縣仍屬十六年改爲耿州十八年屬汾  
州大業三年改汾州爲文城郡縣仍隸唐又屬南汾州貞  
觀八年改爲慈州縣又屬後唐改鄉甯

以避莊宗祖國昌諱此碑立



宋建隆故縣得曰鄉甯碑立建隆三年五月二十九日

重鑄玉兔寺寶錄

石高一尺六寸二分廣二尺六寸八分二十八行行二十  
四字後結銜二行首行五十四字次行三十二字行書今  
在浮  
山縣

大宋晉州神山縣重鑄玉兔古寺寶錄

樞密學士左諫議大夫令狐杲集

玉兔寺者元即玉兔觀也乃巨唐高祖神堯帝登号之二載  
歲次□□三月三日平陽西北即今汾西地也時有玉兔現  
化其形□□□奉命經過親覲其兔徐々趨之其兔前去  
趨之不獲事訖朝天具奏□事帝遣祭之兔復現形至其年  
十月五日勅令置玉兔觀四時享祭後至高宗在位麟德元  
年歲次甲子四月八日兔復現化頻經月日平陽聞奏高宗

遣使廣備祭儀重興觀宇至則天皇帝萬歲通天口年歲次  
乙未二月八日又復出現履空而行不逾觀地平陽太守杜  
承衍故觀其事親覩奇猷具表聞天帝遣中臣王文泰來獲  
玉兔文泰至平陽與承衍躬祭求現其兔尋出徐步趨之經  
數日間至平陽東神山縣西南隅或而隱跡文泰與承衍尋  
於隱處穿口之穿深丈餘獲得玉石兔一軀端麗無並還貢  
聖后帝令移口口玉兔觀至神山縣獲玉石兔地勅度道  
流三百餘人住持觀院口口天二年歲次丙申十一月十五  
口口觀院上有羅漢履空現身語道首葉仙靈等曰此非觀  
地即過去世人壽二萬歲時有佛出世名字迦葉當於其時  
白兔寺基吾於其時為此寺主由勤進道今得聖位即羅漢  
身汝等宿慶得值好時宜捨觀為寺各求出家仙靈等三百

餘人各悟前因欲從緇侶聖者復語仙靈等曰今此平陽太守杜承衍乃是修過去白兔寺者施主由修寺故生、之中常為侯相仙靈聞已詣杜公處具述前由公聞奇事心駭躬觀求羅漢現時聖者隨求而現准前告語述其因緣公遂悟解與仙靈等具表聞天杜公迴觀爲寺表在唐興異事錄仙靈等之度爲僧表在內藏廣弘明集帝聞所奏忻喜奇故至聖曆元年正月十五日勅令改觀為寺度仙靈等皆悉為僧別賜錢絹各是一千勅補京師大法師仁暎共住此寺勅捨神山一縣之稅供給寺衆五百餘僧後至長安三年帝崩乃廢供給其寺周圍一里二百五十步矣

□□三年歲次乙丑十月丁酉朔三十日丙寅重建寺施主推誠奉義翊戴功臣建雄軍節度首慈隰等州觀察處

置等使光祿大夫檢校太

下

州諸軍事行晉州刺史兼御

史大夫上柱國天水縣開國侯食邑一千戶趙彥微立

按碑題樞密直學士左諫議大夫令狐杲集末有歲次乙

丑十月三十日重建寺施主推誠奉義翊戴功臣建雄軍

節度晉慈隰等州觀察處置等使光祿大夫行晉州刺史

兼御史大夫天水縣開國侯趙彥微立按通鑑長編建隆

二年十一月癸未晉州敗北漢軍於汾西注時趙元微按

趙彥

為節度使乾德元年十二月乙巳遣內客省使曹彬

分詣晉潞州與節度使趙彥微

晉

李繼勳

滿

會兵入北漢

境開寶元年五月丙午建雄節度使贈侍中趙彥微卒彥

微與上同事周世宗上嘗拜為兄及即位擢領旄鉞先是

彥微自鎮來朝上為開宴寵顧甚厚彥微飲酒過度因致

病車駕幸其第賜錢百萬遽令歸鎮仍遣其子繼能侍行  
彥微不恤民事專務聚斂私帑所藏鉅萬當疾革之際有  
雷震其室駭愕而終人以爲陰譴云按乙丑乾德三年則  
碑上闕文爲乾德彥微以建隆二年鎮建雄開寶元年卒  
則乾德三年正彥微蒞鎮時浮山玉兔之妖妄通志已譏  
之彥微爲施主而乃以雷震終崇祀妖妄者之無益於此  
可見碑云則天皇帝萬歲通天闕年歲次乙未按萬歲通  
天改元在丙申九月非乙未又云闕天二年歲次丙申攷  
之萬歲通天元年直丙申二年卽神功元年碑注云仙靈  
等之度僧表在內藏廣宏明集按廣宏明集四十卷僧道  
宣撰寔無此表道宣卒於乾封元年在唐止收高祖太宗  
朝文字況進表在聖歷距道宣之歿已三十餘年僞造事

是一經攷核百無一真祇以舊刻存之可矣

月公道者塔記

石高一尺三寸廣二尺二十行行十九字至二十一字不等行書今在永濟縣

大宋故萬固寺主月公道者塔記

前隨使押衙龔惟節述

梁景書

道者俗姓馬氏諱紹月冀州衡水縣人也盛宗華裔其來甚遠空根至理獨擅於茲初於真定府從師尋即受具後辭出家院學業潛已通禪泊平振錫西來真鑒洞了獲安樂之地斷煩惱之源任意浮沉抑有年紀始則寓隆福之金地廣設化緣終則遷萬固之精藍適因騰併多開方便普用慈悲師之道行如水善下衆所心悟若蟻慕膾於是誼闡大作利益

丹碧照野棟宇干霄有感必通無求不應夙願未集法海口  
枯寧自開寶五載正月二十日子時遷化於本寺享年五十  
八僧臘三十二九度門人一十三人于時中外號慟如喪考  
妣謀斯起塔貴覩真儀亡而若存垂於不朽永證聚沙之果  
長留多寶之石故用直書以示來者時歲作噩月臨口洗

開寶六年三月十一日記

寺主僧守謙 供養主僧紹坦

門人一十三人 希詮 希隱 希德 希通 希覺

文證 文遂 文顯 文海 文達 文遇 文義 文

安

施石人張氏博作張紹

焦贊鑄字

按碑題前隨便押衙龔惟節述梁景書校五季及宋皆沿

唐制於河中府置護國軍節度使故有節度使押衙又按  
棲巖寺顯德碑本有隨使押衙張靄意卽隨新授節度使  
而任使他移或罷則另易人碑爲月公遷化起塔而立末  
題開寶六年三月十一日記

### 女媧廟碑

碑高七尺二寸二分廣三尺六寸二分二十五行  
行五十五字至五十七字不等行書今在趙城縣

大宋新修女媧廟碑銘

并序

山南西道節度掌書記將仕郎守右補闕上柱國賜緋魚

袋臣裴麗澤奉勅撰

翰林待詔朝議大夫太子洗馬同正臣張仁愿奉勅

書

臣聞家帝之先大樸未散太古已降淳風尚扇玄黃之位雖



設高卑之義孰分及乎大道喪而庶類生聖人作而万物觀  
指龜文而畫卦以龍圖而紀官乃服衣裳始有文字由是君  
臣之道漸著仁義之風聿興既生蒸民必有司牧聖人間出  
實惟

媧皇按帝王世紀云女媧氏風姓也當火化之初以木德而  
王象日月以明臨照肇嫁娶以序人倫分定九州自我而始  
變化萬物非聖而何天有缺於是鍊石以補之地有傾於是  
斷鼇以立之故得天口不覆地無不載万世之下仰之如神  
明嘻得非天之精地之英上古之粹靈曷能若是哉

今我應天廣運聖文神武明道至德仁孝皇帝撫天下也功  
業冠乎遂古睿聖通於神明祥瑞蓂莢響應交感八方魑魅  
指夏鼎以姦銷万里氛霾蒙堯日而冰釋甲子歲三川未格

玄雲馳如雨之師辛未春五嶺不庭偃草問芑茅之罪靡逾  
數稔連平兩邦括地二百州拓土□万里戴斗戴日之野皆  
入隄封太平大蒙之人盡為臣妾莫不跼金門而請吏駕鐵  
轂以獻琛譯有外夷貢無虛日

皇帝尚或日慎一日雖休勿休以為受命上玄庇民下土弗  
矜弗伐唯將百姓為心無怠無荒欲使九功惟叙嘗謂侍臣  
曰朕以道蒞四海恩臨萬邦非先王之德教不敢行非先王  
之謨訓不敢道令風雨之咸若而災害之不生感于神明告  
于天地嘗展奉先之義伸報本之誠升中泰壇昭事

上帝當百神之受職俾無文而咸秩因思□代帝王嘗牧黎  
庶居萬人之上為一代之君□立事立功有到于今受其賜  
者豈可帝載之下寂寥無聞景象相傳昉蠻如在乃

詔諸□郡縣應境內有先代帝王陵寢之處俾建祠廟使四時祭享庶百姓祈福焉乃於平陽故都得

女媧之原廟遂命中使蒞事有司揆功選良材召大匠以堅易脆去故就新鬱鬱之松難蒞澗底巖巖之石盡出它山上棟下宇以如裁左礪右平而若畫一日爰葺千室俄成長廊竄窳以生風大厦峻嶒而拂漢南北百丈東西九筵霧罩檐楹香飛戶牖虬負檐以欲動馬承阿而若馳金碧相輝丹青平映既嚴且肅不矜而莊神寢載新廟貌如故成一時之輪奐壯萬古之威靈若非

我后事天明事地察神道設教孝治天下布無為之化施不測之功行前王不行之恩成近代難成之事化孚區外澤漆地中與夫漢武帝起通天之臺惟求羽化陳後主造迎春之

閣止事荒遊商權

聖功何啻九牛毛之遠矣微臣不佞奉

詔為文曾

無磊落之才曷敘杳冥之德凌兢進牘謹為銘曰

二儀初剖 四維未張 大樸悶悶 元氣煌煌 洎胚腓

於四大 孰權輿於百王 伏羲已降 實維媧皇 始造

琴瑟 始製笙簧 以調天地 以和陰陽 鍊石補天兮

神功莫測 斷鼈立極兮聖德寧量

我后撫運 妙用無方 事天地以明察 薦鬼神以馨香

言念前代 聖帝明王 曾無廟貌 空載縑緇 俾特

新於祠宇 用永薦於蒸嘗 祠既崇兮盼蠻交感 神有

知兮報應昭彰 享燭潔兮千年萬歲 福蒸黎兮地久天

長

開寶六年歲次癸酉十一月辛亥朔十六日丙寅建

按碑題山南西道節度使掌書記將仕郎守右補闕上柱國裴麗澤撰翰林待詔朝議大夫太子洗馬同正張仁愿書按通鑑長編建隆二年光美爲山南西道節度使開寶六年九月己巳山南西道節度使光美爲永興節度使德昭爲山南西道節度使又開寶五年十一月庚辰詔翰林學士李昉等分撰嶽瀆并歷代帝王新廟碑遣使刻石廟中凡五十二首然則此碑撰於開寶五年麗澤爲光美掌書記非德昭光美以皇弟留京不之鎮府特貴重故麗澤得以幕職而兼中書供奉官張仁愿通志金石記引王弇州跋周太祖廟碑云張仁愿書行筆殊草草意小勝耳丹石之不能謹嚴始自李太和濫觴於張仁愿弇州雖譏之

仁愿要亦宋初能書者宋職官志節度掌書記從六品將仕郎從九品上柱國勳官朝議大夫正六品太子洗馬官品無建隆合班有是官與中舍同列當亦從七品官太平寰宇記晉州趙城縣女媧墓在縣東南五里趙城縣志媧皇廟在東門外五里宋開寶六年於趙城得女媧原廟特新祠宇裴麗澤撰碑銘卽謂此碑碑言甲子歲三川未格元雲馳如雨之師謂乾德二年王全斌曹彬伐蜀降孟昶也辛未春五嶺不庭偃草問苞茅之罪謂開寶四年潘美伐南漢也按宋平蜀得州四十六縣二百四十平南漢得州六十縣二百四十碑是以有括地二百州拓土闕萬里之侈按開寶元年十一月癸卯上尊號曰應天廣運聖文神武明道至德仁孝皇帝見宋史本紀與此碑應天云云

合通志据金石志略裴麗澤書銜爲山南西道節度使守  
右補闕仁愿銜爲翰林院侍講皆未見搨本之故節度宋  
初極崇官皆至三公三師宰相臺省長官補闕七八品供  
奉官耳無以節度守補闕之理今得搨本足明其誤碑見  
賁宇訪碑錄補通志金石記

保甯禪院經幢

幢高三尺八寸八面每面七行惟第八面八行行五  
十七字至六十三字不等正書今在閩喜縣東鎮

佛頂尊勝陀羅尼經

經文不錄

聞金人出降王偁敷宣爲五濁甘露之門作八苦清涼之路  
恒想群書群典難過

尊勝尊經明除七返之尤閻減三塗之患襄有邑首弟子王  
□等夙親善本早厭浮花有窮 達磨之(玄)開有悟天人

之福報乃見併來寺院□故石幢經言之破傷□露 佛  
像之隳殘土沒於是一人啓口眾願隨從重修 卒堵波  
形刻就施羅尼咒上願 皇圖永固 佛教興隆雨風  
長積於三農戈刃不施於四海黎明安泰幽□□□是存  
亡俱霑勝利具邑人如後

都維那王說 副維那李返福 杜返貞 張千 衛裕

張詮 迺遜韜 呂斌 魏彥 清衣邑眾 魏氏

敬氏 范氏 王氏 徐氏 王氏

大宋開寶七年歲次甲戌八月丙子朔十五日庚寅建

唐興寺主僧緣政 比圖緣海書 匠人李思□

按幢見通志金石記聞喜縣志石題開寶七年八月丙子  
朔十五日庚寅建唐興寺主僧緣政又按寺於潛化改名



保甯禪院此幢建於開寶故猶得題唐興云

后稷廟碑

碑連額高四尺五寸廣一尺八寸三分二十七行殘闕過多字數難稽正書額題重建稷王廟碑六字篆書今在閭喜縣北門外

大宋□□□解州聞喜縣□□稷王□□碑銘并序

□奉郎試大理評事守解州聞喜縣令崔

寸仕郎守解州聞喜縣主簿

守解州聞喜縣尉許□□篆

□□□副行首充鎮遏使雷□

通引官充鎮都虞候

鄉□進士張待問

鄉貢三傳楊□中書

原□□□□□結高下莫分大塊之散作二儀品秩旣異  
□□□□□自有□山櫓圓盖而突清□□□□□  
□皇□□□敷休命□□□帝□□□□□之哲□□□  
□氏之旣沒有虞氏之迺興雖□□□□□亦□□□  
之英材有□□□□□□□□□□因亭育□有□□□  
□□□之有□□□□□□□□□□□□□□□□□  
□□□□有虞氏之□幸也帝嚳□□□□□□□□□  
□□德四方□□諸□□□□□氏之為天□□□□□於  
是乎毓德於野□□□□□□□□□□□□□□□□  
□□□□□□□□□□□□□□□□□□□□□□  
□彼□□□□□□□□□□□□□□□□□□□□□□  
□卜符非鹿夢應吹塵□舜□□□□□□□□□□□  
是□□□□□□為股肱□□□□□□□□□□□□□□

其□□□種□□□□□□□□□□元八凱□□□

□□□□九疇九序之文衆推獨步王其□可□□

二其德盛□□□□□□□□□□□□□□□□

而官□□□□□□□□神自□□□□□□□□之而洵洵巨川

引之而涵涵萬挹無墊溺之□□□□□□□□□□□□

□□□□□□□□□□□□□□古□離離□□□□□□□□

春秋而□□□□□□□□杓豆遵馨而不匱丞簞簋滿而不

□□□□□□□□□□□□□□□□□□□□□□□□

□□□□挑陣□□□□□□□□諸侯日彰其□□□□□□日慎

一日臨深履薄居安念危□□□□□□□□□□□□□□

□□□□□□□□□□□□□□□□□□□□□□□□

肱□良□□□□□而不驕有大功而不恃□德□稱□□□□□□

房聚□星玉□□□其□□□□且遠慶及遐褻□  
 耀祖宗赫赫□□□□□□□□□□□□□□□□  
 □□物□□名將五帝齊芳救時孰比故□□□班□□□  
 □□□有功於民者而□□祠廟歆□血□□□□□□□  
 □□□□□□□□□□□□□□□□□□□□衆岫俱朝  
 葱蒨幽林不讓三峯之翠□□□□□□□□殊五老之貞舊宇雖  
 傾靈址不□乃□□□□□□□□□□□□□□□□  
 □□□□□□□□□□春夏秋冬之物積徵成著自少及多  
 □□□□□□□□工邀郢匠不踰一紀殿宇重新□□□□□□  
 □鳥□□□□□□□□藻亮□□□□□□□□□□□□□  
 □□里而欲起盛矣美矣輪焉煖焉雖許景福之□□魯靈

光之惟奇亦未伯也然後塑□□□□□□□□繪統停  
□□□□□□□□□□扶負如生雖聖德之相去万  
年而⑤鑒之明□□尺洎乎縣鎮官員鄉川名士嘗□□□  
□□□□□□□□勸之言或□□□□□□□□□□王於  
是鼓之以雷澤之以雨照之以電扇之□□稼茂如雲人安  
若堵既沐□□□□□□□□□□長盈三□□□□□  
□□□□□□□□者□風桂殿崢嶸所照者明月庶事告畢  
而貞珉未彫□□藝乏屠龍才非吐鳳有□□□□□□□  
□□□見請雖堅拙□□□□□□□□□□□□□□  
絳菁英之氣兮聖賢 稟聰明之性兮自然 遇主而□□  
□□□□時而生兮運應半 □□□□□□□□□□淮  
濱疏兮浪無涵天 功可讀兮□固之典 德可紀兮□□

□□ 聖德雖遠兮靈威嘗□ □□□□□□□ 邊 庶

事俱新兮狀如化出 導首一志□□又因緣 紺殿我□

□□□□ □□□□兮搖□□ □□□兮朝□勝地

蕤姑射之南兮綽約神仙 調風塊而□□稼穡 □魚鞭

□□□□□ □□□兮聰□□ □工之兮紀月旌年

皆太平興國三年歲次戊寅十月癸丑朔二日甲寅□□

□□□□□殿維那頭李行友男□□贊吏

按碑題 闕奉郎試大理評事守解州聞喜縣令崔闕仕郎

守解州聞喜縣主簿 闕守解州聞喜縣尉許闕篆闕副行

首充鎮遏使雷闕通引官充鎮都虞候 鄉貢進士張待

問 闕鄉貢三傳楊闕中書太平興國四年張待問湯王廟

碑題銜有聞喜縣尉權知縣事許與此碑當爲一人鎮遏

使雷聞喜縣志斟宋雷貞太平興國三年聞喜鎮遏使見  
后稷廟碑今拓本殘闕志所見者尙未闕之本又志斟張  
待問鄉貢進士攝鎮安軍節度推官年七十餘猶著述不  
衰太岳成湯后稷諸碑皆其所撰也唐會要長慶二年二  
月諫議大夫殷侑奏置三傳科白身人同五經處分其先  
有出身及前資官應者准學究一經例處分楊題鄉貢三  
傳則未賜出身者縣志后稷廟在城北門外宋太平興國  
三年建碑立太平興國三年與志合見通志金石記

重建湯廟碑

碑高四尺六寸六分廣二尺一寸二十九行行七十  
三字至八十一字不等正書今在聞喜縣店頭村

大宋國解州聞喜縣義陽鄉南五保重建湯王廟碑銘

并序

鄉貢進士張待問撰

前聞喜東鎮判官吳拙書

將仕郎守解州聞喜縣主簿權知縣事蔡□

登仕郎試大理評事守解州聞喜縣尉權知縣事許□

押衙通判官副□□充聞喜西鎮過使□□

解州衙前軍將□聞喜西鎮□馬使王翰

解州通引官充聞喜西鎮都虞□



原夫大塊未分大道韞無名之□二儀既泮蒸民樹有德之  
君繇是村俗昏昏道風悶悶三皇闕無為之理當大寶而卜  
應三靈五帝居有道之尊執神器而地符□建厥後大道漸  
失至德漸離行□者謂義者謂之義帝禪讓之號雖有征  
伐之用不無迨乎夏政□綱朝廷失律諸侯二德地庶雖有  
截沸騰神州板盪於戲夏之將威有開必先任用群□而□



婦人之言殷之將戾其道漸□動則師古□進賢□□祚  
禩繼統三十二王生為聖君死當廟食不其然乎者哉

王姓子名履字天乙帝嚳高辛氏之後次妃簡狄有娥氏之  
女夢吞☿鳥卵而生契佐禹治水有功封高以生子生□賜  
姓子氏焉□□契十二代孫也蓋□□固□茂源深流長使  
之□也□□郡佐亳樹道德為□□□甲冑仗仁義為干  
櫓秉禮樂為身基人望日高盛□轉熾巍巍乎蕩蕩乎□則  
其津涯者也然與葛伯為隣葛伯不祀王始征之東戡西□  
南討北伐皆望王如歲曰□獨厚乎後來其蘇軒后五十二  
戰方□□□以二十七征率土威伏而又出見張羅者呪其  
綱曰從天來者從地出者從四來者皆入吾綱□王曰意夫  
盡之矣乃令除三面之綱張一目之羅王自呪之曰欲上下

者欲左右者欲南北者任從所適吾取其□命者諸侯聞  
王者三十六國猶率夏之叛民以事桀桀惑於妹嬉荒淫不  
已象廊玉床瑤臺瓊室酒為飲池肉為脯林輕神器於弈碁  
竭人力於醉飽謂壽可以等天地□可以□鬼神忠臣關龍  
逢引黃圖以諫圖妖言吾之有人如天之有日日可亡乎日  
亡吾廼亡也於是焚黃圖殺龍逢兩日數闕五星鉗□□  
在郊神語於社鉗首塗炭若處倒懸王不得已廼天討之師  
振□罪之□諸侯不期而會戎車不合而肅圖桀放於南巢  
之山□□務不可暫停天下不以無主中外推戴王為天子  
黽詢群心而登大寶王恭天□地應錄授圖恩覃□方澤及  
草木化□億萬德□□□天下熙熙無一□□君臣穆穆無  
□圖安憲危若朽索之御六馬去華務實土築三尺之墼是

以天錫黃金黑玉之瑞□狽朱雀之祥洛馬岐龜負玉□而  
間出河虬穴鳳銜金檢以亟置九功於□□元成七政□之  
□承銅渾漏晷象緯正□和玉燭晶明天地變而萬物泰于  
時亦偶中否大旱七年四翼之虺見於華山□□之貉飛於  
國內王視民如子憂心若傷朝夕不遑寢食俱輟大□卜之  
當用人禱□之□弭□乃剪髮斷爪自為□□于柰林之杜  
王云顧惟眇薄曆數在躬上天降災是予之咎敢不自討以  
謝天誅言未已而雨大霑至誠感於天地至德動於神明聖  
造無休萬世被□□□□□功不□□□□有道之靈故仲尼  
稱之曰成□仁人之德聖德巍巍孰不仰矚當州頃因歲旱  
是建行宮逾八十年□構不輟屢以周朝世祖停廢淫祠杜  
□□神于時掃地茲屆也惟勅存留其□也福人存已□□

□□□□惠四聖之祠□神□

**魏**列五王之廟其地也

背姑射之嶠碎面中條之巉巖挾王屋之翠嶽輔蓮岳之巖  
嵌烏兔昭囿之地龍蛇交見之田古木森森盡有□天之勢

長河浩浩元□□□□□□□□□□於雲深□

**合**鶯

瓦列於林端景□如生例執區分之□神客若苑持造化之

權其作用也□以條風潤以塊雨警以迅雷撫以安堵序靈

跡之岡彈紀左□之□補封詔素□□□□□□□□首轉

□多□□

**王**

木丹青上下壯麗一旦耆□共議厖貌周圍

裝嚴畢脩蒸嘗不聞豆邇不□欲旌此日之功湏刊他山之

石於是選貞珉於遠□邀郢匠□隣封載□□斯已瑩已淨

赴時□逢□□律屈□鍾□

**大**

宋皇帝躬駕戎車步騎百

萬盪定并汾之後鑾輿凱旋之秋有十餘耆德荷黎杖挈壺

聚至弊廬以碑文見請意由甚□待問卧□□散髮□□  
□□□□之妙欠都官□**碑**雖以筆硯為朋儕以詩書為  
師友紀述聖德意有不周既蒙再律之言難秘芻蕘之作其  
銘曰

溟滓未分 莫可名狀 人民既繁 湏立其長 結繩為  
政 庶事草創 三皇啓運 五帝承乾 雖有禪讓 亦  
弄戈□ 吊民伐罪 □矢是先 □□□□ □□□常  
□於妹嬉 晝牧猖狂 違諫自用 枉殺忠良 湯承  
水德 代天行誅 放桀□柞 奄有寰區 思□遐養  
澤及□□ 網除四面 運應千年 □武定難 □□□  
賢 □毀析雨 至誠動天 爰因歲旱 是建行宮 垂  
八十載 塊雨條風 靈應□□ 永荷**玄**功 歲在單□

律屈□鐘

皇帝伐罪 尅日平戎 凱歌歸期 □□皇風 因此□

□議樹豐碑 合□為肅 方□清□ □其何者 □

稱□□□□□□□□□□

大平興國四年己卯歲十一月丁丑朔十四日庚寅立

申董下保 永申 韓札 王宗 中申 劉万通 北

楊 周美 中場 吳仁泉 延福 坡申東社 邢□

□坡申□ 宋文達 □□ 坡申西社 王□福

張再□ □泉村

申董上保 董村 高文義 馬□超 馬仁□ 北郭

楊榮 □社 魏仁肇 朱高提 姚村 □進 唐□

□□村 □思厚 □□□□□□□□

申董保維那□□申東社梁文通 申董保維那□董村  
劉□ 朱高保維□頤□□位□ □王北保維那□東  
張村進思□ □張王南保□□頤上王村□□ 都維  
郝頤水申□□

神錄事□□□ 神判吳□□知訓 □□□□□□□

鐫字匠人馬重義

校碑題鄉貢進士張待問撰前聞喜東鎮判官吳拙書碑  
言因歲旱建湯王行宮逾八十年是廟之建當在唐末又  
云周朝停廢淫祠茲廟存留指謂周顯德二年毀諸淫祠  
事其云大宋皇帝躬駕戎車盡定并汾之後鑒興凱旋之  
秋指謂太平興國四年親征平北漢事續資治通鑑長編  
太平興國四年二  
月甲子車駕發京師四月庚午至太原五月癸未北漢降  
己丑上作平晉賦六月庚午次幽州七月乙巳車駕至白

范碑立是年十一月在同鑾後按此碑前所題諸銜有聞

喜縣主簿權知縣事蔡闕其名以聞喜縣志補證之卽蔡

安

志云太平興國四年將仕郎聞喜縣主簿權知縣事與碑題銜合

又有聞喜西鎮遏使

解州衙前軍將充聞喜西鎮兵馬使解州通引官充聞喜

西鎮都虞候

闕

按是聞喜有東西二鎮宋史志宸宇記與

地廣記亦未詳載各鎮及官惟元豐九域志聞喜下有東

鎮一是宋初兩鎮元豐時只存一鎮矣聞喜縣志補太平

興國三年有聞喜鎮遏使雷貞而此碑鎮遏使姓名全缺

碑見通志金石記

龍泉禪院田土壁記

碑高一尺七寸五分廣三尺一寸五分二十九行  
行二十三字至二十七字不等正書今在陽城縣

龍泉禪院田土壁記



龍泉院者乃人

天集福之所也耆旧相傳其來漸遠刊勒無寄□究權輿□云本院田土從古祖代耕種相傳而至今久矣哉其院所屬田土分標四至条段明白故勒此記標顯四至地名免後人迷失接□之□今書四至開列于後永為記耳

河南地一所東至賈家塢堆南至金谷塢堆西至水泉窰北至□河西南至坡頭上曹家地寺後地一所東至長堰南自至西至曹小水溝北至古道堰東北至沙坡西北至卧牛窰寺西地一所東自至南至河西至水溝北自至寺東地一所東至分水嶺南至河西自至北自至其道地所東至河南至河西至河北至張家高堰北畱其道地一所東至道南至道西至道北至吳家道陽城縣金谷鄉洗壁里施主劉

存同妻李氏先遭兵火乃逢飢儉願內外親族還得團圓特將本家田土情願喜捨龍泉禪寺永遠供佛筵僧俱通陸傾劉家塢地一所記地五頃六十畝東至水溝西至劉南至分水嶺北至分水嶺又栢樹嶺山林地一段不計畝數東至史真西至古道南至分水嶺北至嶺古堰其次上地各一四至為界開具地土于後以此祝延皇圖永固帝道遐長佛日增輝法輪常轉更願合家內外親族增福延壽法界有情俱登彼岸者

皆天福二年三月十七日龍泉禪寺住僧敬詮立石王真刊中書門下牒澤州奏准勅分析到所管存留有無名額僧尼寺院共三十二所內陽城縣龍泉禪寺

勅賜海會寺為額牒奉勅據分析到先存召無名額寺口等

□□本州除勝生得額外其餘寺院各依前項名額書勒縣印牒至准勅故牒

中書侍郎平章事盧右僕射廉門下侍郎平章事右僕射廉門下侍郎平章事

太平興國七年三月初二日住持僧懷智立石

按陽城縣志龍泉寺在縣東三十里一名海會唐乾甯元年建初名郭峪院蜀僧順愍增修後賜龍泉禪院又縣志藝文類載周顯德三年王獻可龍泉禪院後序有曰大周皇帝承禋之二祀震雄風匡霸業乃有釋教爰疚宸衷慮眞俗而相參遂鼎革而垂制凡曰梵宇悉去無名是院以有唐乾甯元年所賜勅額詢由匪虛遂安雲構又云是院氣壓羣山勢吞百谷臺殿架日松檜參雲鄙祇樹之虛名

得清涼之勝概蓋亦千年琳舍獨構大觀者矣海會之名

據今碑中書門下牒陽城縣龍泉禪寺勅賜海會寺爲額

是此寺至宋初復改賜名又縣志藝文有黃廉海會寺新

篋記標題不曰龍泉殆據本朝所賜額爲斷亦一證也碑

末具原牒銜曰中書侍郎平章事盧右僕射廉廉當作兼字誤下廉

同門下侍郎平章事右僕射廉門下侍郎平章事今攷宋

史宰輔表開寶九年十月庚申太宗以是月癸丑卽位薛居正白門

下侍郎同平章事加尙書左僕射兼門下侍郎沈義倫卽沈倫

自中書侍郎同平章事加尙書左僕射兼門下侍郎盧

多遜自吏部侍郎參知政事遷中書侍郎同中書門下平

章事又續通鑑長編太平興國四年十月乙亥宰相薛居

正加司空沈倫加左僕射盧多遜兼兵部尙書六年六月

甲戌司空同平章事薛居正卒九月辛亥太子太保趙普  
爲司徒兼侍中七年四月丙子盧多遜貶庚辰左僕射兼  
門下侍郎同平章事沈倫賁授工部尙書據兩書前後互  
證此牒行下必在四年以前所謂中書侍郎盧者卽多遜  
其右僕射兼門下侍郎者爲沈倫次右僕射

此右字當作左蓋一時無

緣復置兩僕射也

兼門下侍郎者爲薛居正碑銜史表宛然適合

蓋太平興國之初祇居正倫多遜三人作相太原平後居  
正進司空倫改左僕射多遜兼兵書三人所歷階與此碑  
銜已迥異況自六年居正病卒趙普入相七年多遜遠竄  
沈倫賁免在中書門下者強半更易果使此牒七年始降  
彼時趙普入相已久豈得弗具其官故知此牒行下必在  
太平興國初年也宋時公牒國初正相皆具姓此碑獨否

碑尾所書太平興國七年三月初二日者特記建石之期耳文獻通考宋澤州有陽城縣隸河東路乾甯唐昭宗年天福後晉高祖年也

廣慈寺暨洪濟禪院牒

石高一尺一寸四分廣三尺九寸五分廣慈牒十七行洪濟牒十五行行字不等正書今在壺關縣

中書門下 牒 潞州申奏到烏泉寺見在殿宇功德僧人數目乞名額候

勅旨

烏泉寺見在殿宇六十餘間功德九事僧行一十人建隆元年宜賜廣慈之寺為額

牒奉

勅如前牒至准

勅故牒

太平興國八年三月七日

牒

中書舍人參知政事郭

司徒兼侍中

尚書禮部 牒

潞州壺關縣東口村口那呂吉寸狀告本村佛堂壹拾肆  
間請到廣慈寺智開圓成住持乞納錢承買空頭

勅牒書填在額給付者

牒奉

勅可賜洪濟禪院牒至准

勅故牒

大定三年四月玖日令史向昇押主事安公押

朝請大夫行太常丞權貞外郎劉

中憲大夫行貢外郎李

郎

中

侍

郎

□□□□□□□□□□□□□□

押

按碑刻中書門下牒潞州申奏到烏泉寺乞名額候敕旨

又建隆元年賜廣慈之寺爲額牒奉勅如前牒据此則烏

泉之賜額寔始建隆以此碑紀年證之則此碑刻者太平

興國八年牒也碑末題太平興國八年三月七日中書舍

人參知政事郭司徒兼侍中宋史本紀太平興國六年九

月辛亥趙普爲司徒七年四月甲子中書舍人郭贊參知

政事八年七月辛未贊罷十月戊戌司徒兼侍中普罷

校通



鑑長編普以太平興國六年九月辛亥爲司徒兼侍中察  
廷美之變其實希旨誣逆爲再入中書地七年四月盧多  
遜罷相此碑中舍參政者郭贄司徒兼侍中者趙普也

保甯禪院記

石高四尺五寸五分廣二尺三寸二十  
一行行四十三字正書今在聞喜縣

大宋解州聞喜東鎮保寧禪院記

江南諸州水陸計度轉運使朝奉郎尚書金部員外郎柱  
國賜緋魚袋楊緘述

維那僧智演書

伊尹放太甲之地僉曰桐宮 漢武下尉他之年乃更聞

喜惟東之成實大且繁崗巒糾紛北陸秀異鄉曲有清通之

範風俗歸 空寂之門睥彼 大招提棲于 善知

識角立傑出何代無人驗以前文明唐興之舊額習諸近

勅煖保寧之新恩

先長老諱法柔即當縣清河氏之

華胄焉晚歲出家一言悟道心源瑩澈滿輪之月印湘潭眼界馨香千葉之蓮開剡浦允謂作人天之師長立僧籍

之紀綱度脫緇黃輝暎今古始謀挂錫獲此遺基變荒榛為寶方敞大廈為精舍陰虬負檐丹霧胸楹瞻之在前凜凜

紫金之像寂然不動霏霏白毫之光露往霜來時異事變

偶

周世宗皇帝頒宣

詔命澄汰釋門時當院然合

存留亦動煩惱蓋以字人贖貨堅欲從新

岳牧飛章不

令改作士庶聞之而讚嘆龍神衛之以歡忻建隆庚申秋修

法堂畢功次年辛酉仲春月上旬

長老遺囑門人舒右

脇而化享壽七十四載開堂二十八年伸茶毗則異於常倫獲舍利乃何可勝計居人供養時無暫閑猗歟幻化之身有

⑤有感

真如之性不滅不生

軋德二祀甲子營

石塔于院之西北原

今院主緣正上人克紹

精風

咸推白足飛雨花於天際始末談空攝龍火於鉢中方明得  
果感四衆歸依之外崇一日必背之功開寶癸酉歲構彼麗  
譙懸于法鼓髣髴百尺照灼於雲空鏘洋一聲啓抉於  
昏曠又於興國己卯歲修經藏乃金乃碧曲盡於莊嚴以  
日以時常臻於利益龍宮海藏莫之與京觀夫金口  
微言既悉緘于秘邃貝多妙跡俄愈樞于光華

我后嗣位之七年

三原帥博陵崔公奏

今院

主加命服篋中藏

天子之書恩唯有偉衣上漆

真人之氣本實無心

諸法眷徒弟等並堅固住持歡喜圍遶

祇陀樹

下長為授蔭之人

阿耨池邊免作迷津之客緘也夙

慕

金方之教幸超玉笋之班

居士指歸祖能

分曉

覺皇付囑敢昧讚揚聊書建刹之因兼紀

出塵之德刻于貞石以示後昆時<sub>○</sub>淳化元年歲次庚寅七月甲戌朔十五日戊子建

修造主僧智靄

典座僧普誥

石匠人賈福進弟文密

弟文義 男茂均

恩門感德軍節度使特進檢校太傅博陵郡開國侯崔翰  
院主沙門賜紫緣正

按聞喜縣志保甯寺在城東東鎮唐開元六年建通志金石記云案保甯卽唐興之改名當有中書牒文未審卽是碑否今據記文驗以前文明唐興之舊額稽諸近勅煥保

甯之新恩兩志說與此合特此文純用駢語的係記敘體  
非牒文式也記又有云露往霜來時異事變周世宗皇帝  
頒宣詔命澄汰釋門此蓋謂後周時大毀佛寺事資治通  
鑑顯德二年五月戊辰敕天下寺院非敕額者悉廢之禁  
私度僧凡欲出家者必俟祖父母父母伯叔之命惟兩京  
大名京兆府青州聽設壇場並令兩京及諸州每歲造僧  
帳有死亡歸俗皆隨時開落是歲天下寺院存者二千六  
百九十四廢者三萬三百三十六見僧四萬二千四百四  
十四尼一萬八千七百五十六世宗此舉可謂超世厭俗  
者矣細繹記文意若深以茲寺之不毀爲至幸者此可見  
當時法令之嚴而讚歎歎忻之語特爲是院文者其體式  
有不得不然正未可是丹而非素也崔翰字仲文京兆萬

年人官至鎮安軍節度卒贈侍中事具宋史本傳又通鑑  
長編太平興國五年四月壬辰殿前都虞候武泰節度使  
崔翰罷爲感德節度使此碑建於淳化元年七月碑尾係  
銜爲感德節度使特進檢校太傅博陵郡開國侯據宋史  
翰於雍熙二年以感德節移滑州後復爲威虜軍行營兵  
馬都部署改鎮定國軍移鎮鎮安軍淳化三年召還其易  
節久矣碑書感德殆追記之耳撰記文之楊緘宋史無傳  
文獻通考宋自乾德以後僭僞削平始置諸道轉運使以  
總利權初但曰句當某路水陸計度轉運事官高者則曰  
某路計度轉運使太平興國初皆曰使緘以尙書金部員  
外郎柱國賜緋魚袋領轉運使階職並崇矣宋史地理志  
耀州爲感德軍屬縣首曰三原隸永興軍路碑見通志金

石記

保甯寺經幢

幢高三尺二寸五分共入面每面廣五寸七行  
行八十字至六十四字不等正書今在聞喜縣

佛頂尊勝陀羅尼經

經文不錄

典□□智聰

供養主僧智靄

維那僧智演書

保寧禪院主沙門賜紫緣正

聞尊勝經者是無上法之名也陀羅尼者乃摧邪顯□之義  
也尊則諸經取上勝則衆惡難敵敷宣於誓多林中聽受於  
室羅城內因救善住頂放毫光佛現神通聖賢同測梵王贊  
首帝釋歸依四衆瞻仰於慈尊□□□恭於聖主湏臾之際

善住之七返潛消頃尅之間惡業之三塗暗遣昔有波利聖  
者俄辭西國特礼文殊獲届東都時當儀鳳斯經再取梵夾  
重來慈風遠扇於三京□□遐運於□□□普益貴賤皆  
資□拂塵霑無非利濟今有絳州曲沃縣孤子燕知裕弟知  
玄弟知顯等想生身之 父母思乳抱之劬勞懷擔之恩  
重難酬哺育之情深未報遂乃遠投金地□□□□□□  
□□周圓級級之莊嚴畢脩經鵠八面迴鸞之字字分明佛  
坐四方金相之輝輝顯赫伏願 尊聖鑒 永功德而永處  
天官神識昭彰領良因而長居淨土更乞一宅納慶四序添

大宋消化二年歲次辛卯十一月丙申朔三十日乙丑建

匠人賈進賈□賈義 賈棧均鵠字



按此石見通志金石記聞喜縣志補

五臺山燈臺頌

石刻八面高一尺四寸每面廣三寸六分二  
行至七行不等字亦不等正書今在代州

五臺山及燈臺訟

柱國張處貞撰

上為開元神武 皇帝師僧父母太子諸王文武百寮州牧  
縣宰蓋聞能仁不測宏開八政之門真相無邊廣闢二乘之  
路雖復日宮煥爛尚假慈燈月殿吟隴猶資慧炬欲使騰輝  
法界有真皆明散彩恒沙無幽不燭故知像之不滅燈乃常  
明照曜諸塵不生不滅衆生蠢々五濁俱懷三毒四蛇競相  
催逼又乃貪居惡室恒日荒迷久在涯黎蹤橫被縛近者方  
知自悟虛度終朝各發善緣擬茲來路導別禪師釋名无尋

住寺僧文愛及合村宿老憂婆夷等人人勵已各各用心抽  
減淨財將充捨施亦能衣中減縷食內抽飧同發善因敬造  
燈光明臺一所其臺也置五臺山為坐昉五岳而立其形中  
臺池有玉華池裏演生其幹幹上雲花五色散蓋叠叠重重  
四窓遊在天宮八閩不離其內兼加八柱遞代相承燈蓋汪  
汪中心汎曜其散蓋也蘭簷紫栢栒用沉香升拱飛仙純金  
帖作雲花曖曖雜彩鮮明舞鳳吹笙百禽皆足其五臺山也  
五百毒龍居此一方菩薩同臻兼加密跡金剎頗亦不知其  
數臺臺供養累道來巡他國遠方皆來奔奏置寺名當一百  
蘭若約有數千每年禮謁諸臺道俗過一万西方淨土与此  
無殊題摸鐫形非加不妙至如般若妙詞已闡燃燈之義法  
化與旨復載燈光之文灌頂章表於延齡阿那律得其天眼

燈之為福其若是乎欲報合村之恩須憑法王之力於是共  
申洪願各捨微資雕鏤光焰之牢建立長明之炬其臺也俯  
臨鴈塞方展鳳遊之儀北接潯澠以青蓮之吐秀明如法鏡  
足豪相之神光皎若意珠助玉容之妙色庶使彼岸之際壯  
瑞彩於樓船釋林之中散祥殊於火樹其詞曰

鳳遊山傍名望東張伽藍妙寺亞次西方釋僧文愛端坐禪  
房精心供養灑掃是常悲敬二福不乏米糧其一他方一僧  
釋名无尋誘引諸子皆無向背法水流布滅除其罪兼造燈  
臺真誠可愛遍布觀望世泰□□□國無□其二東張一口

奇異哉精心鍊行也

大宋至道三年二月二十五日重修建

東張村主户老人等

趙溫 杜翊 卜金 梁珂 張毅 杜全 郝訓 范

進 薛斌 賈榮 張訓 胡序

修造主卜延趙重修中臺新婦張氏男伴并弟延義重修  
東臺新婦康氏男唐哥奴哥弟延斌重修南臺新婦張氏  
亡弟新婦龔氏重修西臺男劉十一留得任父長男守明  
重修北臺新婦因氏

近常泰貞 聶希忠

按碑後刻宋至道三年重修五臺人名氏前刻唐五臺山  
及燈臺頌柱國張處貞撰有上爲開元神武皇帝云云新  
舊唐書本紀開元元年十一月戊子加尊號爲神武皇帝  
此碑文撰於唐之證通典代州領縣五五臺有五臺山太  
平寰宇記代州五臺縣五臺山在縣東北一百四十里水

經注五臺山五巒巍然故謂之五臺碑云中臺有玉華池  
寶宇記中臺山山頂方三里有一泉水不流謂之太華泉  
按五臺自晉卽顯名內經以爲清涼山前代碑碣今多不  
存此頌撰於唐世足資考證良可貴也碑題燈臺訟係頌  
字之誤見金石記

棲巖寺西至記

碑連額高三尺四寸八分廣一尺七寸八分十  
七行行三十字額題六字皆正書今在永濟縣

里人李裕書

棲巖寺自魏永熙之季 大隋太祖武元皇帝之所

勅建仁壽元年建舍利塔命寺主僧明達禪師定其壇界四  
至周圍約二十餘里南至阿奴谷底分水爲界西至谷口過  
路北至新羅嶺東至鶴子嶺東凹底乾化五年 西平王命

寺主僧藏啓重止認壇界差牽攏官十將張重進十人巡林  
一月至 清泰潛龍之日亦差牽攏官十將李重遇七人巡  
林一月至乾祐元年周高祖與寺主僧洪泰出榜今後應有  
房廊屋宇及近寺園林軍人百姓輒不得斫伐一根一條并  
拆拽屋宇便仰本寺收捉申送本府當行嚴斷至顯德五年  
張太師令主僧希遠并差親事官節級王延嗣五人豎立  
標竿出榜二道巡林一月至 郭令公出榜亦差靚頭李進  
七人巡林一月兼貼河東縣勒近寺耆長所由巡檢不得採  
斫林木至太平興國三年蒙 知府李補闕出榜亦差馬軍  
節級羅崇嗣與縣司弓手耆長等九人巡林半月至太平興  
國五年蒙知府王學士與主僧希海出榜貼差耆長巡林到  
至道元年七月內蒙 柴給事出榜亦貼河東縣近寺耆長

所由常切巡檢至咸平二年六月內蒙 杜太傅與主僧元  
變出勝亦貼河東縣耆長三人巡檢應有入山採斫柴薪軍  
人百姓等並湏勅於元係屬寺園林界畔外遠處採斫不得  
輒令侵着近寺園林斫樹木如有故違便仰本寺收捉申送  
上府痛行決責的無容恕

魏寶刊

按記中所稱西平王據新五代史宋友謙傳友謙字德光  
許州人梁太祖時以陝州節移鎮河中貞明六年絕梁附  
晉晉封友謙西平王加守太尉記所云乾化五年卽貞明  
元年是年十一月乙丑始改元爾時友謙尙未反梁故仍  
奉乾化年號也又歐史漢本紀隱帝乾祐元年三月護國  
節度使李守貞反八月郭威討之二年七月甲子克河中

守貞自焚死威後踐阼爲周太祖是時威兼督諸將西征  
踰年揭榜安輯列條必夥存恤釋寺特其一端耳張太師  
名鐸河朔人周顯德三年爲河中尹護國軍節度今攷後  
周棲巖寺新修舍利殿經藏記碑後題顯德六年河中護  
國軍節度兼管內觀察處置等使光祿大夫檢校太尉行  
河中尹兼御史大夫張鐸建此記言顯德五年鐸令親事  
官豎立標竿出勝二道核之舊五代史知鐸典藩河中爲  
歲甚久入宋後史不詳其何年移鎮惟續通鑑長編建隆  
元年八月丙子有忠正節度使兼侍中楊承信爲護國節  
度使之文鐸之受代必在斯時於此益可徵顯德一朝蒲  
帥爲鐸無可疑者第舍利塔殿記銜爲檢校太尉此碑以  
太師目之據史宋初鐸乃加檢校太師舉顯官爲稱撰文



家之通例也郭從義其先沙陀部人乾德二年爲河中尹  
護國節度加守中書令六年以疾歸京師此郭令公卽謂  
從義王學士名祐大名華人宋初爲監察御史見通鑑長  
編建隆元年五月乙巳至太平興國初以鎮國軍行軍司  
馬移知河中府東都事略太祖卽位祐由殿中侍御史遷  
知制誥翰林學士建碑距其爲學士時已遠猶稱前官宋  
人重清職於此可見柴給事名成務曹州濟陰人蜀寇初  
平使峽路安撫旋改諫議大夫知河中府蜀寇之平長編  
在端拱五年六月據碑至道元年成務出榜則是時已履  
府治其除知河中當在是年春夏之際矣杜太傅名彥鉞  
審進子眞宗嗣位以永興軍駐泊鈴轄出知河中府景德  
中再任河中眞宗始建元曰咸平此當爲其初知河中時

事又案張鐸郭從義王祐柴成務杜彥鈞宋史俱有傳碑云牽攏官十將皆節度使下偏裨唐志會要五代會要皆無此官惟後唐明宗紀安重誨傳有十將張溫唐樂氏二女父母墓碑有都虞候司十將宋職官志每部有十將卽今什長之類牽攏官北夢瑣言湖南節度使劉建封淫於牽攏官陳某之妻爲陳所殺永濟縣志棲巖寺在縣東南二十五里中條山上永濟今蒲州府附郭縣據文獻通考唐蒲州乾元初改河中府爲河中節度宋改護國仍唐舊爲河中府隸陝西永興軍府路永熙元魏孝武帝年也

### 重刻絳守居園池記

碑連額高五尺五寸廣二尺一寸三十八行行九十二字正書額題重刊絳守居園池記并叙十字篆書今在絳州州治儀門

重刊絳守居園池記序

承奉郎守太子中允知絳州軍州事耿說篆額

承奉郎守將作監丞通判絳州軍州事孫冲譔

承奉郎前守正平縣令薛琪書

長慶中樊宗師為絳州刺史嘗作絳守居園池記其詞句甚  
隱僻不明白口在京師得此文頗與同人商推卒不能果然  
詳其意言句讀樊宗師又為皇唐名士不知當時負此文走  
人門下有誰與詳解而知之也宗師與韓退之親且相推善  
觀退之之文大不如此退之文集中有荅陳商書其意甚病  
商之所為文不與世相上下故喻以齊王好竽商負瑟而干  
之又不知退之終使宗師之文如是唐室承齊梁陳隋餘弊  
其文章最微弱又變其體使有聲韻耦對唐享年尤遠縣是

鼓而成風其閒忽有韓愈獨與張籍皇甫湜李翱輩更迭文  
體高出秦漢亦大為當時衆口排擯謂之無用之文韓愈死  
其道彌光後來有學韓愈氏為文者往往失其旨則汨沒為  
人所鄙笑今則尤甚嘗有人以文投陳堯佐陳得之竟月不  
能讀即召之俾篇篇口說然後識其句讀陳以書謝且戲曰  
子之道半在文半在身以為其人在則其文行蓋謂既成文  
而湏口說之也是知身死則文隨而沒矣於學古也何有哉  
咸平六年七月冲奉詔為絳州通判月餘觀園池記其石甚  
卑小文字多椎缺因熟讀及遊覽園池考其亭臺池塘渠竇  
花木隄原川河井閭牆墉門戶凡為宗師筆紀處所者雖與  
舊多徙移然歷歷可見猶視其文未能過半樊之記有亭個  
漣曰香曰新曰望月曰柏有塘曰蒼塘有隄曰風隄有原曰

鼇蜑原惟正西曰白濱今無遺址又疑其指水涯為亭名也  
沖登城西與北引望所謂黃原垓天汾水鉤帶者在其記又  
得一二其亭為今之所存者惟香亭與望月焉按其去處又  
非舊也其餘皆非當時所名者也得非遭梁周閒鎮是郡者  
咸因循改易也蒼塘堙沒矣風隄鼇蜑原雖問老吏故氓是  
非難校今之亭有東南者曰四望居高臺臨鄆市可以望也  
依斛律光廟之東曰望京據北曰香香之西北曰會賓前垂  
岸之下連柏陰曰水簾池之中曰水心跨昂橋歷虎豹門而  
西曰曲水既北少西夾池曰望月又北限篠竹溝水曰禮賢  
且西密梨園曰感恩南對遠引曰射圃可以習射也前畦蔬  
夏花新竹三四本後墜隄屈律西北來貫水上走別一亭曰  
姑射西北正與姑射山相對最居北城上西連廢門臺樓東

北可周覽人家依崖壑列屋高下水竹葩花老棗翳桑陰密  
鬱邃磴響激流引漑蔬圃環折繁帶尤可登望今題二亭曰  
浩氣菡萏皆北嚮浩氣連仁豐廳後當退時可逍遙養浩然  
之氣也菡萏蔭虎豹門其下皆芙蓉菡萏也今之亭旣異於  
樊文且多焉其餘渠竇引決花木蔭滋歲久且古與記舛訛  
不可驗矣記之易解者在其文曰西南有門曰虎豹其門猶  
在左畫虎鼓怒扶力呀而人立所謂萬力千氣彘伏地電火  
雷風黑山右胡人髯黃髯纍珠丹碧錦襴身刀囊鞞樹綰悉  
如記白豹玄斑焉皆非故物也亦後來好事者圖之又曰考  
其室亭沼池之增蓋豪王才侯襲以奇意相勝至今過客尚  
往往指可創起處如此不過數處俾人再三讀之可曉口理  
如曰水李於正平軌正平帶郭縣也隋開皇十三年內軍將

軍梁軌為臨汾令臨汾即正平也十八年改正平也軌字世

蕃材令也患州民并捕生物瘠瘵因鑿山原自北三十里引

古水

國經云鼓惟水

地缺絕經濠坎則續之以槽穿城墉入衙注池

別分走街衙阡陌汨汨然鳴激洄渠又溉灌畦町訖入於汾  
河其文多如此類故欲使人昏迷往往莫辯其理頃縣前有  
梁軌遺記熟見其蹟則知水李於正平軌由此而發語也餘  
無遺據則皆莫能知鳴戲文者道之車輿也欲道之不泥在  
文之中正秦世以前消而不漓交漢之閒煥而不雜口魏與  
晉稍稍侵害自茲而下歐而折脊隋唐以來肇為二途既不  
相近頗甚攻毀夫聖人文章若八卦彖繇爻象之體雖不膚  
淺然聖人之文終能傳解孔子繫辭則皎然流暢其詩書禮  
樂之文披之皆可儿意是聖人於文章本在達意垂鑒而已

不必須奇怪而難入也由經書外子史百家之言固可通導  
獨楊雄太<sub>玄</sub>準易而為之當時之人或不肯一覽故文章在  
乎正而不雜但如兩漢風骨則仲尼周公復出固無所嫌也  
太子中舍耿君說知是州將一年常念園池記□□年歲  
惜其文字缺落因磨石別刊之以傳其文 中舍世為儒家  
故弟起居郎直昭文館望博古有文章愛急救民竭力吏道  
因滯外使連漕運數道咸平六年四月死 王事於河北是  
以 中舍常喜人有名於世故拂拭樊刺史所為□俾不墜  
沒亦大好事者也冲畧而序之與後來者知文之指歸冲通  
治晉州時嘗與晉守何公亮書論樊宗師所為文章何以書  
荅冲剖析尤見為文之深旨其二書今亦刊之記後景德元  
年九月五日序



絳守居園池記

刺史樊宗師譔

絳即東雍爲守理所稟參實沈分氣蓄兩河潤有陶唐遺風餘思晉韓魏之相剝刮世說摠其土田士人令無饒維擾宜得地形勝瀉水施灑豈新田又蕞猥不可居州地或自有興廢人因得附爲奢儉將爲守悅致平理與益侈心耗物害時與自將失敦窮華終披夷不可知隄緬孤顛阿偏玄武踞守居割有北自甲辛苞大池泓橫硤旁潭中癸次木腔瀑三丈餘涎玉沫珠子午梁貫亭曰洄漣虹蜺雄雌穹鞠覲盤礙限島坻淹淹委委莎靡縵蘿薔翠蔓紅刺相拂綴南連軒井陣中踴曰香承守寢睟思西南有門曰虎豹左畫虎搏立萬力千氣氏發彘匿地努肩腦口牙快抗電火雷風黑山震將

合右胡人鬚黃髭鬚珠丹碧錦襖身刀囊鞬橐緇白豹斑飲  
距掌胛意相得東南有亭曰新前舍曰槐有槐廩護霽鬱陰  
後頤渠決決緣池西直南折廡赴可宴可衙又東濶渠曰望  
月又東濶窮角池研雲曰柏有柏蒼官青士擁列與槐朋友  
巉陰冷色北俯渠憧憧來刮級迴西巽隅閒黃原垓天汾水  
鉤帶白言謁行旦良閒遠岡青縈近樓臺井間點畫察可四  
時合奇士觀雲風霜露雨雪所為發生收斂賦歌詩正東曰  
蒼塘蹲瀕西濬望瑤翻碧歛光文切鏤梨深撓撓收窮正北  
曰風隄乘輶左右北迴股努帶振蹴墉銜渠歆池南楯楹景  
怪燭蛟龍鉤牽寶龜靈廬文文章章陰歆墊廠煙潰竊裴桃  
李蘭蕙神君仙人衣裳雅冶可會脫赤熱西北曰鼇蛭原開  
哈儲虛明茫茫鬼眼傾耳可大客旅鐘鼓樂提鵬挈鷺陷池

豪渠憎乖憐圍正西曰白濱舊深梨素女雪舞百伶水翠披  
唧唧千幅迎西引東土長崖挾橫埒曰外西樵途塢徑幽委  
蟲鳥聲無人風日燈火之晝夜漏刻詭婉絢化大小亭鉅池  
渠閒走池隄上亭後前髀乘墉如連山羣峯擁地高下如原  
陁隄豁望水引古自源三十里鑿高槽絕竇墉為池溝沼渠  
瀑激潺衆出汨汨街街畦町阡陌閒入汾巨樹木資土悍水  
沮宗族盛茂旁蔭遠映錦繡交菓枝香晬麗麗絕他郡考其  
臺亭沼池之增蓋豪王才侯襲以奇異相勝至今過客尚往  
往有指可創起處余退常吁後其能無果有不補建者池由  
於煬及者雅文安發土築臺為拒誅幾附於汙宮水卒於正  
平軌病井涵生物瘠引古沃澣人便幾附於河渠嗚呼為附  
於河渠則可為附於汙宮其可書以薦後君子

長慶三

年五月十七日記

通判晉州孫冲謹齊沐致書

知州

太博夫文章由秦漢已往殆不復古矣齊梁陳隋尤無所取焉唐之所尚句讀聲韻必須一體章表制詔書檄誥令凡於動作繫乎文詞者必以偶對聲韻所以文不逮理而作者徒相踵也在唐獨韓愈奮不逐時俗分甘窮達而至死不渝故其□於孔子之□如荀孟者無慚色焉由韓愈氏之道當時之人隨而變者衆矣獨樊宗師益苦其詞使人莫能解曉疇昔嘗得樊生所為絳守居園池記一篇他文未嘗得見耳自首至末凡能通者不過數句冲負其文區區十餘年卒不達能讀者冲頗□□生未知其道果宜如是邪孔子曰周監於二代郁郁乎文哉文之如周禮則使人易為耳苟如樊生乃周公之道無以教人也是樊生迂言吃句獨取異於當時乎

不深思之邪夫六經者蓋垂教者也欲後人誦其言而思其所為也六經之外百氏之說立言導意亦未有刻於樊生者矣夫樊生之文自述而自訓則可矣待其千百年有裨於世者固無有哉執事博物達理出言有章諒於斯文亦久留意冲不敏敢以樊生之文為請望執事無惜剴析俾後人知乎文章之指歸也冲頓首

知晉州何亮謹復書於通判監

丞仁弟閣下辱惠書以唐之文詞必須偶對聲韻所以文不逮意獨韓愈奮不逐時俗故其道如荀孟無愧色當時隨而變者衆獨樊宗師益苦其詞莫能解曉其理其所為絳守居園池記能通者不過數句因疑其文興道下問愚鄙質其是非亮識鑒無取何能副吾弟之所須抑不可以逆厚意請識言之夫樊宗師紹述蓋唐之儒臣而篤於文學者故其著撰

比諸儒為多其書有号魁紀公而下凡七十五卷序記雜著  
又五百餘首大率一言一句不與今古文相類原紹述之意  
必欲擺脫今古自成一家而不思誤後人之深也近世學文  
有隱沒其旨崎嶇其詞俾人不得其句讀者必曰比樊宗師  
猶為聲律爾嗚呼紹述之於儒其用心勤矣而其文可廢也  
不然誤後人之無窮乎法言云萬物紛錯則縣諸天眾言有  
亂則折諸聖惡覩聖人曰在則人亡則書夫聖人而亡其書  
可以正眾言之肴亂則無出周公孔子者也其書則詩書易  
禮春秋是也今以紹述之文質諸周孔詩書易禮春秋而無  
一言騁騷於其閒則是非昭昭矣其文可廢亦昭昭矣周孔  
而下孟軻楊雄為大儒而觀軻雄之書則煩若日星獨太玄  
為隱奧而深者雖未能盡其義必能通其詞不若紹述之詞

與義俱昧懵混沌若覩鴻荒之野榛棘草莽不知其際也以  
至老子莊周之徒怪誕恍惚之書而亦未嘗若此嗚呼紹述  
之於儒吾悲其用心之勤而欲必廢其文使無誤後人也吾  
弟以為何如亮少嗜古學無佗材能徒欲慕韓愈之著文師  
孟軻之為人而牢落未用束必郡守故不敢以吾道為言來  
書欲其斷文章之指歸以示後人何相期之厚也吾弟才高  
行修兩登科第而假途是邦朝夕公暇復以討論為事何意  
無慘中復得名士為文交幸甚

防禦推官馬濟

供奉官監押魚彥璘

屯田員外郎監酒稅左書

勾當段口

鵠字李欽

按碑題承奉郎守太子中允絳州軍州事耿說篆額承奉郎守將作監丞通判絳州軍州事孫沖譔承奉郎前守正平令薛琪書絳州志宋耿說景德元年承奉郎守太子中舍知絳州軍州事宋史孫沖傳字升伯趙州平棘人舉明經歷古田青陽尉鹽山麗水主簿嘗并喪父母去官有司循五代故事必六年乃聽調沖援古制以書干宰相不納後舉進士登甲科授將作監丞歷通判晉絳保州坐與保州守爭事降監吉州酒碑題將作丞通判絳州與史蒞官合今絳州志載是文而碑末因磨石別刊之下志卽接亦大好事者數語碑則作以傳其文下有中舍世爲儒家一段志皆刪去今得拓本可證志刪改之實碑云長慶中



樊宗師爲絳州刺史嘗作絳守居園池記又云宗師爲皇  
唐名士昌黎集南陽樊紹述墓志注紹述卒葬志皆無年  
月按紹述作絳守居園池記乃長慶三年五月十七日而  
公卒以四年十二月則疑在長慶三四年間與碑長慶中  
爲刺史合墓志注國史補云元和之後文筆則學奇於韓  
愈學澁於樊宗師退之作樊墓志稱其爲文不剽襲觀其  
絳守居園池記誠然然亦太奇澁本朝王晟劉忱皆爲注  
解如瑤翻碧瀲蜺眼頰耳等語皆前人所未道補注歐陽  
公跋絳守居園池記元和文章之盛極矣其奇怪至於如  
是皆可與此碑相參證碑云咸平六年七月冲奉詔爲絳  
州通判按冲爲絳通判史無年月可以碑補闕州志咸平  
元年冲通  
判軍碑云水本於正平軌一段爲薛宗孺梁令祠記司馬

光鼓堆題辭所本可補入五代志碑又云太子中舍耿君  
說知是州將一年以碑末題景德元年九月考之耿君知  
絳或當在咸平六年冬碑云中舍世爲儒家故弟起居郎  
直昭文館望博古有文章愛急救民竭力吏道因滯外使  
連漕運數道咸平六年四月死王事於河北宋史百官志  
國初以史館昭文館集賢院爲三館皆寓崇文院直館直  
院則謂之館職以他官兼者謂之貼職元豐以前凡狀元  
制科一任還卽試詩賦各一而入否則用大臣薦而試謂  
之入館官職行罷直院直館之名據史則耿望亦涖職情  
祕當以文詞顯者長編咸平五年三月甲辰河北轉運使  
耿望準詔開鎮州常山鎮南河入洺河功畢詔褒之七月  
壬子命度支使梁鼎與河北轉運使耿望計度饋邊芻糧

六年六月丁卯侍御史知雜劉綜爲河北轉運使皆可與  
碑相參證碑云冲通治晉州時嘗與晉守何亮書冲以咸  
平六年自晉移絳此亮以咸平末知晉之證碑立景德元  
年又按何亮至道二年爲光祿寺丞見宋史暨宋史紀事  
本末樊記云池由於煬及者雅文安發土築臺爲拒誅幾  
附於汙宮輟耕錄采潞陽趙伯昂

仁舉

箋注本校之及作

反雅文安下注薛雅裴文安二人攷通鑑隋漢王諒反總  
管府兵曹聞喜裴文安說諒精銳入蒲津請爲先鋒諒大  
說置文安爲柱國與紇單貴王册等直指京師文安等未  
至蒲津百餘里忽召還以爲晉州刺史薛粹爲絳州刺史  
上命楊素爲并州道行軍總管討諒晉絳呂三州皆爲諒  
城守素各以二千人縻之而去薛雅疑卽薛粹想絳州尙

有拒守之蹟耳湯帝朝反絳者只此二人又按孫記見寰宇訪碑錄樊記見集古錄金石錄廣川書跋

永安禪院碑

碑高三尺廣二尺二寸二十五行下截殘闕字數難稽正書今在汾陽縣北辛安村

北辛安村永安禪院碑記并序

碑子功德主金吾□□□長史郝玢

業維摩經文章大德

夫以法身冲邃非證百以何歸實相澄凝匪標式而莫覩至若如如妙住體業無方身寐照恒一我釋迦慈父廣運悲心降跡正宮證真道樹演無說之說示無形之形相表乎儀八十種好彰乎瑞泊連河現滅鶴樹遷神飲光永化於芳蹤慶喜傳燈於威燭正法像法昭然煥然爰自法化西

來騰蘭東被漢明<sub>引</sub>集洛陽寺典尔後大建精藍廣修<sub>致</sub>使普天普地知菩提歸伏之門使令萬國万家了福田為究竟之路即有功德主僧宗感<sub>以</sub>定香齋馥戒月澄明同成建造之功共辨膏脔之事而有功德主郝光<sub>璉</sub>等並乃汾<sub>英</sub>衛名儒五常俱身三端立德言本有則行謹無虧迥然標方外之心志誠出人天之見當<sub>連</sub>巨泊西接號河前窺抱腹之峯後對子夏之谷去武定八年三月八日當院石記自<sub>本</sub>郡主郭翼之<sub>所</sub>奏勅賜名為定國永安禪院村衆與院主僧<sub>弘</sub>演共力修崇堂殿房<sub>計</sub>陸拾間標此舊記之所載也迺後頻遭兵火數遇戎夷殿宇焚燒名額廢墜空存石記<sub>口</sub>識院名又去天福七年再審古殿三間內釋迦一會四壁功德周圓後面慈氏堂三間內<sub>口</sub>氏功德一會周<sub>足</sub>功

德主僧泉盛俗功德主郝光碑淨土太子因弟功德主郝訓  
李勛等藥師□殊文弟子張氏等觀音一鋪功德主田榮羅  
漢堂僧房庫房功德樓廚房各三間去道化□□□大宋統  
天應運順聖孝明文武

皇帝 勅命指揮有修蓋到寺院無名額者並湏毀廢  
不得存留况斯院尤是宿舊□□□有石記指說 勅

賜名額官覈驗詳遂得存留又准道化元年十二月十五日  
勅宜令轉運司遍行指揮管屬州府軍監內有文係  
河東偽命州軍自尅復後未勅修院雖未

勅賜名額並與存留者所願

皇基永固 帝道遐隆太子諸王福返萬葉郡主寵澤維新  
福資壽筭塞上之戈鉞永息圖甬肅清雨順風調時康道泰

伏憲年華綿邈故刊貞民永立布金之田長鎮新安之地但  
**弘治**夢曰學不談天輒述瓦礫之辭獲紀金石之德幸承  
來命難以推返略序歲華直書其口

峇景德二年歲次乙巳四月戊寅朔五日壬午建

鄉貢學究李自新書

院主僧宗感傳上主金剛心經業法花維摩

門人誦法花經僧繼隆

門人誦法花經行者繼凝

石匠都科并刊字郭泰美

弟

**弘治**

按汾陽縣志大宋勅賜定國永安禪院碑記在北新安末  
載景德二年建字甚模糊文不易讀卽此碑按碑云武定  
八年三月郡主郭翼之所奏勅賜名永安禪院天福七年

再修是此寺創於東魏修於後晉碑云洎化闕大宋統天  
應運順聖孝明文武皇帝勅命指揮有修蓋寺院無名額  
者並須毀廢斯院有石記指說驗詳遂得存留按宋史太  
宗紀太平興國三年八月甲戌上尊號曰應運統天聖明  
文武皇帝六年十月癸酉上尊號曰應運統天睿文英武  
大聖至明廣孝皇帝端拱二年十二月庚申詔令四方所  
上表祇稱皇帝羣臣請復尊號不許辛酉上法天崇道文  
武皇帝詔去文武二字餘許之三年羣臣上尊號不許太  
宗凡加易尊號者三皆與此碑不合碑末題景德二年四  
月壬午建鄉貢學究李自新書宋有學究科官李應是舉  
故結銜如此碑內貞民民字系珉之誤



山右石刻叢編卷十一終